

皇
明
詔
令

皇明詔令卷之十

今聖上皇帝

勅諭

正德十六年四月二十日

奉

天承運

皇帝詔曰朕承

皇天之眷命賴

列聖之洪休奉

慈壽皇太后之懿旨

皇兄大行皇帝之道詔屬以倫序入奉

宗祧内外文武羣臣及耆老軍民令詞勸進至于再

三辭拒弗獲於四月二十二日祇告

天地

宗廟

社稷即皇帝位深思

付託之重實切兢業之懷惟我

皇兄大行皇帝運撫盈成業承熙洽勵精雖切化理

未亨中遭權姦曲爲蒙蔽潛弄政柄太播凶

威朕昔在藩邸之時已知非

皇兄之意茲欲興道致治必當革故鼎新審比皆率由
乎

舊章亦以敬承夫

先志自惟涼德方在冲年尚賴親賢共圖新治其以
明年為嘉靖元年大赦天下與民更始所有
合行事宜條列于後

一自正德十六年四月二十二日昧爽以前官
吏軍民人等有犯除謀反逆叛子孫謀殺祖
父母父母妻妾殺夫奴婢殺主殺一家非死
罪三人採生折割謀殺故殺蠱毒魘魅毒藥

殺入強盜妖言奸黨失機并事干邊方吏情
及人命至死罪者不赦外其餘已發覺未發
覺已結證未結證罪無大小咸赦除之敢有
以赦前事相告言者以其罪罪之

一自弘治十八年五月十八日以後正德十六
年四月二十二日以前在京在外內外大小
官員人等有因忠直諫諍及守正被害去任
降調遷改充軍爲民等項及言事忤旨自陳
致仕養病等項各該衙門備查明白開具事
情奏請定奪死忠者諭祭修墳旌降調遷

改致仕養病閒住充軍爲民者起復原職酌量陞用大臣量進階級并與應得恩廕人夫月糧相應起用者有缺推用已故者加贈一正德十四年文武官員人等爲因諫止巡遊跪門責打降級改除爲民充軍等項該部具奏起取復職酌量陞用被打死者情尤可憫各追贈諭祭仍廕其一子入監讀書內有充軍故絕者一體追贈諭祭查訪親屬量與優養

一王府冊封朝廷大禮今後該部務要照舊制

一年一次舉行

一各處王府應得祿米有缺少者各該巡撫都御史督率所屬查催完納

一各處郡王將軍府子女有應請名請封選婚者本府即與保勘奏請承奉長史等官不許刁蹬其有年已長成未曾婚配貧難無力者所在官司量爲助給

一各處郡王將軍中尉有因事革減祿米者除毆殺人命敗倫傷化外其餘自詔書到日爲始俱照舊支給儀賓有因成婚年遠承辦未

京謝恩奏者悉皆宥免

一自正德元年以來諸色人等傳陞乞陞大小官職盡行裁革吏禮兵工四部各將查革過傳陞乞陞文武僧道技藝官員名數類奏查考其王親及公主所生子孫原無出身正途朝廷推恩陞授者不在此例

一兩京五府見任掌印僉書管軍管事公侯伯都督及都指揮兵部等衙門見任文職四品以上官并各處巡撫官俱聽自陳去留取自上裁武職內有傳旨管事者革去管事照舊

帶俸文職五品以下兩京吏部會官考察

一內府各衙門見任官員有從侍年久供事勤勞願告優閒者許各具本陳情取旨定奪

一給事中御史職當言路今後凡朝廷政事得失天下軍民利病許直言無隱文武官員有貪暴奸邪者務要指陳實跡糾劾在外從巡按御史糾劾

一官吏軍民人等犯罪自正德九年正月二十八日以後已問結立功哨瞭運灰運炭運磚運石做工納米納料納鈔擺站煎鹽炒鐵充

儀從軍伴膳夫及罰班重歷拘役枷號等項
悉皆放免中間若係行止有虧敗倫傷化例
該帶俸差操革職役爲民者仍各照例發落
一武職官降級調衛者除失機事干邊情不宥
外其餘俱復職回衛內原係錦衣衛者調在
京別衛文職因公錯并公事註誤降級者復
原職內原職係京官者對品別用其因事革
罷爲民者除事干行止有虧敗倫傷化外悉
與冠帶閒住原係冠帶閒住及在京改調外
任致仕者各照原職致仕

一各處武職有因私役軍人不及五名例前問擬降級者守邊失誤被賊搶擄人民不及五名情輕律重降級者俱復還原職其各邊軍人因失事饒免發遣常川守哨者亦免守哨

一正德十五年十二月以前各處實徵稅糧馬

草農桑人丁絹絲布匹絲綿花絨屯田皇庄

庄田子粒牧馬草場子粒租銀及甲丁二庫

蠟茶銅漆銀硃鹽課厨料戶口食鹽猪羊雞

鵝備用孳生馬騾山廠柴夫後府柴炭軍器

沿河軍衛有司蘆葦茨草夫價及開墾泉溜

洪淺等夫并榛草等料及曠役等項銀兩
應歲派歲辦奏派但係該納官錢糧物件
拖欠未徵者盡數蠲免以蘇民困已徵在官
該起解者照舊起解准作本戶以後年分該
納之數各造冊奏繳查考敢有將已徵捏作
未徵侵欺盜用者許諸人首告巡撫巡按
及按察司官察訪拏問重治造冊官吏叅
奏提問戶工二部差去催徵官員即日回京

一浙江等十三布政司并南北直隸嘉靖元年分內除漕運糧料四百萬石照舊徵兌起運

其餘夏稅秋糧馬草農桑人丁絲絹布匹絲
綿花絨屯田皇庄庄子粒牧馬草場子粒
租銀及甲丁二庫蠟茶銅漆銀硃等料不分
存留起運以十分為率俱免五分以蘇民困
一京通二庫水次倉皇城各門京城九門各馬
房倉場各皇庄等處但係正德年間額外多
添內臣司禮監照弘治初年例查奏取回

一近年差出取物買辦織造燒造等項及腹裏
地方并各邊各關但係正德年間新添分守
守備內臣首詔書到日即便回京其終時付

守備內臣將官有正德元年以後廣緣改詐鎮守分守及副總兵等項名色兼分外多管地方加添責任者兵部俱查奏改正換給勅書

一自正德年來兩京各衛所容令無籍之徒冒籍換充并新添旗軍校尉勇士力士軍匠并內府各監局招收軍匠等役辦納官錢私錢佔用不下八九萬餘歲支錢糧百萬餘石以致京儲虧耗歲用不繼關係非輕論法都當拏問追究但既遇赦姑容改正詔書一出但

條正德年間冒籍收充并新添及私自頂補
額外投收等項人役并有名無人該衛所官
按月支糧包辦月錢者即便各回原衛原籍
隨住當差該衛所即將名伍開除回報再部
具數奏聞敢有捏奏存留設計影射仍前冒
支糧者事發都押發遼東鐵嶺衛永遠充
軍該衛所官吏拏問調烟瘴地面安置

一騰驤左等回衛勇士除弘治十八年兵部果
籍道官查出見役正數并事故殊異餘聽
名籍承辦其糾五清錄回衛處罰者願

各照原擬咨餘發原衛民丁發在京缺軍衛
分各充軍後食糧差操已後勇士替補照例
開送兵部驗軍官處驗過方許收糧

一權勢中鹽侵奪民利并客商中鹽增價轉賣
俱問罪入官律有明禁邇年以來奸商挾托
勢要每遇開中盡數包佔轉賣取利甚至奏
開殘鹽減價中支每米一石支鹽四引任場
買補夾帶私鹽阻滯正課以致鹽法大壞鹽
儲告乏罪雖宥免鹽當追沒詔書到日巡鹽
御史并各運司官即便查訪鹽糧勘合內坐

到已支未掣并未派未支鹽課但係商人投
託勢要諛名佔中賣窩買窩及河東運司鹽
課例該宣府中納被勢要奏討賣窩別處開
中并奏開殘鹽減價報中者悉照大明律裁
革入官不許放掣派支敢有將勢要中鹽賣
窩買窩情由設計隱瞞仍舊冒支官鹽掣賣
者許諸人首告給賞正犯追完鹽課發邊遠
充軍干碍勢要奏聞處治巡鹽御史運司官
吏知情容令掣支各治以罪其見堆皇鹽并
各處已賣銀兩未賣鹽勛盡數入官各類

官鹽課巡鹽御史作急回奏戶部查照遵儲
急缺去處開索本色糧料以濟急用

一在內御馬倉天師庵中府子草場並別處
等十兒馬房倉吳家駝裏外牛房司牲司司
牧局今年合用糧料算東於原會數內減去
一半坐派蘇山東河南北直隸小民困苦
以後年分還著巡視科道官備查馬匹牛隻
實在數目照數會計以免冒濫

一近年抄沒犯人庄田園圃戶部委官從公查
勘如有倚恃權勢侵奪霸佔者審證明白歸

還本主管業若係原有及兩平置買價值無虧者照依時價變賣銀兩送大倉銀庫交收備邊若地畝數多離京五十里之外者行令該管州縣召人佃種照例起科

一抄沒犯人文明宮地土原係軍民住居墳墓該給主者該部會同科道官逐一查勘明白給主管業

一近年各處鎮守協守分守守備等官違例奏帶人衆到於地方科歛財物奪佔功次所在不才官員因而乘機指一科斗貪利成風

致百姓受害深可痛心詔書到日例外奏帶
人員即便各回原衛原籍間住當差違者許
撫按并按察司官察訪來奏拏問官舍旗軍
調邊衛差操民發口外爲民書辦省祭等官
革職不叙今後敢有仍前奏帶人多及帶軍
民職官錦衣衛旗校者該科即時劾奏究治
其鎮守等官中貪刻顯著壞事有名者各該
巡按御史指實具奏取回司禮監從公推舉
平素廉靜老成之人奏請更替仍照舊例寫
勅不許干預錢糧詞訟侵越諸衙門職掌亦

不許假以進貢爲名僉取皂隸科歛銀兩擾害軍民額外進貢一切停止

一漕運官軍僨運糧儲經年累歲不得休息貧苦可憫正德十四年以前京通二倉若有掛欠糧米蓆皮板木腳價一切赦免其南京并臨德徐淮水次拖欠者不在此例

一正德元年以後在京在外官旗軍舍人等但係例外奏帶及稱報効在各邊各處或一人數處或一時兩三處報効及併功陞授官旗者除原祖職役照舊其餘盡行除革該衛所

各將革過名數造冊送戶兵工部查考敢有
受財隱蔽不革及抗違妄奏者俱問發邊衛
充軍其諸色人等冒認錦衣衛官員戶下合
丁致陞官旗者限三箇月以裏許各官旗自
首與免本罪冒籍之人革去職役過限不首
該部查出或被入告發通行治罪發遣

一漕運官軍借欠債負利上生利為害百端自
正德十五年以前借者不拘多寡俱不許還
以蘇漕運官軍困苦以後再借再放者聽漕
運都御史巡按巡倉御史查例叅奏重治

一各處徵糧養馬地土內有水衝沙壓坍江等項負累人戶包養累經具奏者巡撫巡按官查勘明白具奏除豁

一各處解納錢糧到京內外管收人員刁蹬需索使用之數多於本物以致上納不敷重複徵解貽累小民該部申明禁約許被害之人指實奏告治以重罪

一南北直隸山東山西陝西湖廣浙江江西等處地方大軍經過及雖無軍兵經過但奉有明文取辦供應軍需等項所司動支官錢糧

應付者各該撫按官查勘明白准作正及銷
不許復行徵補重困小民

一內府多餘官人著司禮監逐一查審有親屬
者各令的親家屬領回任其婚嫁無親屬者
官與婚嫁務令得所

一在京抄沒犯人錢寧等并江西逆賊宸濠等
入官財物除金銀并酒器首飾珍寶及違禁
之物外其餘紗羅紵絲綾紬布絹鋪蓋衣服
靴帽家火器玩等件若貯庫年久不無過爛
損壞可惜著戶部科道各差官二員查盤覓

數估計鈔貫明白補放文武衙門官員正德
十三十四十五年各上半年折俸之數若有
多餘挨年再補

一各處無籍奸人遊食術士及無名內使私自
淨身人等多有投託王府因而廢置害入甚
則貽累宗室詔書到日許令自新各還本務
各該撫按官仍要嚴加禁治不許故縱容留
以稱朝廷親親至意

一文武官員有因事住俸罰俸回話者悉皆宥
免

一南京內府各監局官員內使增添太多供用
浩繁甚非

祖宗舊制司禮監便逐一查選照依弘治以前員數
存留供事多餘之數俱以本等職事聽用如
遇各王府及南京各監局缺人請奏撥去應
用其緣係海戶黃緣驟入者仍舊革免海戶
見充海戶者禮部盡數發回原籍為民當差
不許在京潛住其原係樂工淨身收入內府
者亦盡數革退發南京

孝陵衛充軍

一私自淨身人多有在京潛住希圖牧用著錦衣衛緝事衙門巡城御史嚴加訪拏究問今後各處軍民敢有私自淨身者本身并下手之人處斬全家發烟瘴地面充軍兩隣及歇家不舉首者俱治以罪

一宸濠之變都御史孫燧按察司副使許達伏節死義并一時被害不屈之人日久尚未褒錄都御史王守仁倡義督兵平定禍亂并同事協謀有勞之人亦未及論功行賞該部即便會官議擬奏奉定奪

一問刑衙門有抄提在官人口犯該反叛應連坐未給配安置者奏聞定奪其有律不該載者悉皆放免原沒官房屋田產給還住種照舊納糧當差

一正德十二年十月內大同應州功次極爲冒濫內有傳陞文職者吏部查奏軍職除本邊官軍自斬首級例該陞級外其餘陞者不分已未領受兵部查奏裁革

一近年軍職人等在各邊不曾斬有首級巧立當先衝鋒等項名色及各處斬首不及數該

部照例擬賞奉旨陞級世襲者兵部通行查
革

一武職并舍人舍餘旗校納銀等項授職并冠
帶者獲功止許於實授職役上加陞

一賜姓人員及見犯罪冒姓者各復本姓在京
者各照原有本等職役間住隨住當差在外
取到留用者不分官職大小各回原衛帶俸
間住但有賜姓義子廕陞職爵并與做勇士
等項食糧名色兵部盡行查革原係在外官
員罷間并原跟犯罪勢要無名籍惡黨俱不

許在京潛住違者錦衣衛巡城御史五城兵馬司挨拏遍解窩家送問

一在京武職除近選軍政并會保將材外其餘有告頒調改外衛者該部查勘相應具奏改調仍聽撫按官照例考選管事

一軍職病故子孫告襲扣筭年月但在十年以裏該衛查勘明白送到部者即與收選免其駁查

一錦衣衛校尉專係直駕人役近年多有奏討投託濫佔跟用因而令其幹辦私事脇制害

人該衛監行查明取回

一南京年例進鮮馬快船隻舊例每起三隻正德元年以來違例撥給比舊加多攬載客貨沿途攬擾本等廩給夫役之外勒要銀兩數多甚為民害兵部出榜通行禁約今後進鮮船隻務照舊例撥給經過地方不許分外生事勒要折乾銀兩違者巡按巡河等官指實叅奏不許故縱

一順天保定河間三府各州縣自正德三年以來寄養馬匹俱各年齒衰老節次充軍揀退

不堪負累小民餒養兵部行文太僕寺分
官督同該府州縣管馬官勘實果係老馬變
賣價銀轉解太僕寺貯庫湊補買馬支用

一法司錦衣衛見監罪囚中間或煨煉成獄或
拘泥文案多有在押今後問刑務要法當其
情不許深刻所問犯人及在外問成解來人
犯伸訴冤枉或別調衙門或多官會審務要
從公推問實情果有冤枉即與辦理不許拘
執成案逼勒招認符合前問官吏致令枉抑
無伸違者罪之

一凡問囚犯今後一依大明律科斷不許深文
妄引參語濫及無辜其有奉旨推問者必須
經由大理寺審錄毋得徑自參奏致有枉人
近年條例增添太繁除弘治十三年三月初
三日以前曾經多官奉詔命議奏准通行條
例照舊遵行外以後新添者悉皆革去

江西并各處地方先因宸濠反逆事敗及因
人告報謀反妖言等項事情一時追捕餘黨
急於撲滅不暇審辦未免有跡涉疑似被誣
逮繫者經該問刑衙門務要嚴加詳審果係

誣枉即與釋放若係逼脇順從者問擬明白
奏請定奪毋得冤抑淹禁

一內外各衙門見監死罪重囚犯在赦前罪不
該宥內有情可矜疑曾經奏請未得饒死及
毆傷人延至辜限外身死照例仍擬死罪者
詔書到日覆審是實俱免死發邊衛永遠充
軍若有辨問罪不致死者即行查照發落

一見監與宸濠謀反事情有干正德十四年就
陣擒獲及續拏入犯三法司錦衣衛先行會
問明白其真正共謀逆賊并臨時脇從及先

年交通不曾與謀者各依律議擬應得罪名
再會多官覆審相同具奏定奪毋致轉縱寬
枉

一各處盜賊多因饑寒困苦流離失業脇從逼
迫嘯聚為非詔書到日各該官司通行出榜
曉諭許其自首免罪軍還原伍民還原籍各
存恤二年免其差徭其有能擒捕首惡并黨
類報官者照例陞賞仍量給犯人財產

一官吏軍民人等自正德九年正月二十八日
以後至正德十六年四月二十二日以前有

為事問發充軍遷發為民者除原係真犯死
罪饒死及事干謀反逆叛奸黨失機強盜撥
置侵盜係官錢糧指稱打點誑騙者不赦外
其餘悉皆放回原衛原籍寧家隨住若有赦
前逃回不首原係真犯死罪饒死充軍例該
照依原擬處決并原係雜犯死罪以下充軍
例該枷號改發極遠衛分者免其處決枷號
改發仍各發原充衛所著役其遷發為民者
免其問罪仍發原編配所

一內外各衙門囚犯該追贓物係還官給主銀

貨至五十兩以上并入官至一百兩以上監
追一年之外及正犯身故拘禁家屬各勘無
家產堪以變賣賠納者開具所犯情罪奏請
定奪其不及前數監追半年之外及正犯身
死各勘無家產并例該追罰馬牛等項悉與
宥免查照發落若係埋葬銀正犯見在者仍
依律追給

一內外各衙門有問完官吏軍民人等罪犯已
經奏請未曾奉旨發落應該宥免者即行查
照發落其有監候行勘未報人犯罪該宥免

者并正犯在逃監禁家屬證佐不係事干謀反逆叛劇賊者悉令保候歸結

一近年節次奏開生員納銀入監事例積累數千餘人大壞選法今後再不許奏開違者吏部該科即時糾劾究治已開未納者即便停上至於額設吏役亦須得人近年納銀收充阻塞正途之人致令歇役革退雖有考選事例繁復不一吏部便查會典開載選撥吏役舊例申明遵守行令各布政司直隸府州凡遇缺更從公考選徃自收參納銀人役務令

習學書字通曉文移少許收叅若願告改撥
衛所事簡衙門者聽俱開報經校勘實照
訪察內有選撥不公或被入告發按問得實
依律究治

一各營書辦人員除大營額設員數外其餘額
外添設者并各夷方遠年不用小通事冒濫
保補者通行查革

一工部供應內府各監局內官內使人等年例
柴薪靴料皮張冬衣鋪陳紵絲綾紬紗羅等
項近年以來增添數倍該部往往借貸別項

軍錢奏用動經數萬累及官民終非經久之
計著司禮監會同該部查照永樂至天順等
間人員數目開給則例通融處置除現有本
色物件外不數之數將近年數沒犯人贓物
銀兩兩平估折相兼俵散准作正德十五年
十六年年例之數少寬民力

一兩京各監局等衙門近年額外增添器物如
龍船戰車神像店房等項數多管事人員乘
機作弊將物料工作任情冒派侵剋害民今
後除舊額器物房屋應修理成造者俱照舊

典所載舊定數目從實會計除本衙門并各
庫會有會外無者量爲從省派辦不許隱匿
冒濫改舊添新并招買那借貽累小民違者
治罪

一內府禁密之地方不許蓋造離宮別殿載在
祖訓萬世當遵近年以來節被左右近倖之人獻諂
希恩在內添蓋新宅佛寺神廟總督府神武
營香房酒店之類在外添蓋鎮國府總督府
老兒院玄明宮教坊司新宅石經山祠廟店
房等項便著內官監工部錦衣衛科道官逐

一查勘但有不係舊規者或拆毀改正或存
留別用或變賣還官官匠人等有因蓋造陞
官者亦就查革改正在外者聽撫按官一體
查勘改正變賣還官不許隱匿

一近年南京駕到各樣船隻數多俱在通州張
家灣停泊勞人看守日久損壞無用著內官
監工部便去會勘除年例黃船照舊存留聽
候外其餘烏龍船發送南京兵部改正擺江
船黃船發送南京工部照舊看守聽差黑樓
等船發送杭州府等處聽候進鮮龍衣等項

公用免派民間修造其餘魚船等項變賣價銀收貯監部以備修造正支

一荊州杭州蕪湖三處抽分廠專為打造糧船成造供應器皿而設以省科派小民之計近采南京各監局相沿具奏差人赴蕪湖廠支取杉楠等木數多又有內官監差官中半抽分二年有餘致將造船銀料不敷支給累及運軍出利揭債缺船運糧耽誤國計今後甯京各監局合用竹木聽于本處龍江瓦屑等抽分廠支取在京各監局合用竹木聽于內

官監神木廠并真定盧溝橋等抽分廠支取
其內官監原差抽分太監李文等詔書到日
即便回京以後不許援例奏差

一 天下司府州縣抽分稅課衙門俱有定額近
年以來凡橋梁道路關津有利處所私自添
設無名抽取數多甚爲民害詔書到日巡按
御史及按察司分巡官通行查革有司嚴加
禁約不許坐視故縱

一 河防水利小民衣食之源關係最重各有專
官管理該管官員務要躬親巡歷嚴督所屬

修築圩岸疏濬溝渠但有權豪刁潑之家修
建池亭設立碾磨阻壞水利坑陷錢糧者並
聽自首拆毀改正與免本罪若有抗拒官府
執迷不首者隣佑之人舉告究治所在官司
容情故縱者事發一體治罪

一易州山廠柴炭今後悉遵先年舊額派納惜
薪司近年新添加耗之數俱改正照舊其有
攬頭指稱打點多勒價銀許被害之人首告
管廠侍郎痛加改革不許仍踵前弊如違治
以重罪

一自正德年來劉瑾錢寧潘彬相繼擅權在京
在外各衙門弊政多端詔書該載不盡者許
逐一自行議奏裁革

一近來冒濫玉帶蟒龍斗牛飛魚服色數多除
五府九卿堂上官外其餘庶官雜流并各處
將領頭目諸色人等但係夤緣奏乞傳賜者
俱不許穿用內府各監局官員司禮監查奏
裁革武職卑官僭用公侯服色花樣者一體
禁約

一浣衣局近年抄沒婦女法司逐一吊查原卷

詳究事由情有可矜省者具奏釋放

一錦衣衛旗校人等除弘治年間編軍冊內見在數目外其餘詭名頂補僉補在逃故絕等項人役冒濫食糧者戶兵二部各差選屬官會同科道及本衛公正官查議裁革

一豹房各處積年牧貯并近日抄沒犯入銀兩司禮監查計明白數內運送數百萬兩於太倉銀庫收貯以備折放官軍俸糧等項支用

一正德元年以後各衙門官軍旗校人等緝捕妖言姦細并來條臨陣對敵強賊對應陞獎

職役者通行查革以後各衙門照舊舉終
奏兵部查議陞賞

一正德年以來傳陞乞陞佛王法子國師禪師
等項禮部盡行查革各牢固枷釘押發兩廣
烟瘴地面衛分充軍遇赦不宥近日奏討祭
葬一切停革其中有出入內府住坐新寺引
誘蠱惑罪惡顯著見在京者禮部通查明白
錦衣衛拏送法司問擬罪名奏請定奪
一先在軍門辦事指揮張壘張倫及掌案寫字
等項人員官勲趙真殷大安王鎬王鎮陳貴

龐璽用鄭曦賈銘高淡朱鳳翔管皇石十
戶趙謹姚俊俱倚勢生事蠹政害人內外軍
民怨入骨髓本部當處死姑從寬各連當房
家小押發兩廣烟瘴衛分永遠充軍其餘跟
隨辦事管店助惡有名小班答應旗校人等
錦衣衛選送法司究問中間罪跡顯著者一
體押發兩廣烟瘴衛分水遠充軍家小隨住
俱遇赦不宥

一回夷寫亦虎仙交通土魯番興兵構亂攪擾
地方以致哈密累世受害罪惡深重曾經科

道鎮巡官勘問明白既而黃緣脫免錦衣衛
還拏送法司查照原擬開奏定奪

一回回人于永出入豹房誘引蠱惑情罪深重
錦衣衛拏送都察院追問明白議擬罪名奏
請處治

一今後照依舊例給事中有缺於進士內考選
奏補御史有缺進士與行取人員相兼考選
除授

一朝廷政事得失天下軍民利病許諸人直言
無隱

一已上興革政令詔書到日有司即便奉行如有延緩者許巡按御史按察司訪察究問俱以違制論

於戲君人之道在昭德以塞違繼世之規惟更化而善治特頒渙號用慰輿情弘施大賚之恩永錫太平之福西方臣庶咸使聞知

議

武皇尊謚勅

正德十六年四月二

十七日

皇帝勅諭禮部朕惟自昔君天下者在位有久近德澤有淺深必考德澤定謚節惠賜名於垂世

於天下後世皆古今不易之公典也恭惟
皇兄大行皇帝聰明英勇出自天資居

儲宮而典學惟動踐

寶祚而初政克謹 圖治懷勵精之志 任賢存

體貌之誠 敦睦宗藩綏柔夷服 剛毅有執

雄斷無疑內能消肘掖之虞外克靖黃池之變訓

兵練將居安慮危故自

即位以來十有七年之久 春秋漸盛閱歷亦多非

惟 深知小人之依固已 明習天下之務迨

夫親征甫返方將董正之圖不幸 哀詔遽聞

亦寓輪臺之悔化理未究追痛良深遺命冲人
嗣承丕業稽諸典禮宜薦

徽稱欲協至公必容輿論庶幾上昭

祖宗之制下尉臣民之情爾禮部集文武羣臣定議
尊謚擇日恭上

冊寶用副朕至意欽哉故諭

上 武皇尊謚詔 正德十六年五月十一日

奉

天承運

皇 記曰自古人君功德施於當時咸有顯號隆名

以祔于廟饗傳諸萬世我朝

列聖相承率由茲典有不可易者恭惟

皇兄大行皇帝以

英武之資

剛健之德嗣登

寶祚十有七年于茲矣

任賢圖政

節財阜民克詰戎兵屢平僭亂

淵慮弗遑於寢食

皇威昭布於邇遐真有安不忘危持盈保成之志用

是宇內咸乂邊陲晏然治理之興方有望於
今日夫何不幸

龍馭上賓天下臣民攀號莫逮顧予涼薄肇績
鴻基允惟

付託之難方深在疚之慟追慕

遺烈率遵

舊章謹命在廷文武羣臣叅稽禮文議薦

謚號博采衆論協于至公乃於今年五月初八日祇

天地

宗廟

社稷奉

冊寶恭述

大行皇帝尊諡曰

承天達道英肅睿哲昭德顯功宏文思孝毅皇帝

廟號

武宗於戲

威德法乎乾剛實綸揚之莫罄

徽稱薦夫殷禮尚昭顯於無窮布告萬方咸宜知

悉

尊本生父母并邵貴妃稱號勅 正德十

六年十月初三日

皇帝勅諭禮部朕遵奉

聖母慈壽皇太后懿旨朕既承大統

本生父興獻王宜稱興獻帝

母興獻后

憲廟貴妃邵氏皇太后仰承

慈命不敢故違合行禮儀爾禮部詳具以聞故諭

纂修 武宗實錄勅 正德十六年十月

初十日

勅諭禮部朕惟我朝

列聖代有實錄藏之天府傳之後世此亦古今之

通義也哉

皇兄武宗毅皇帝以英睿之資繼承

祖宗大業十有七年政事之興革臣下之建白人才
之用舍凡關係國家事體者俱宜有紀述以
備一代之制爾禮部宜遵

祖宗故事通行中外采輯事實送翰林院編纂實錄
以其太傅定國公徐光祚為監修少師兼太
子太師吏部尚書華蓋殿大學士楊廷和少

傳兼太子太傅戶部尚書謹身殿大學士蔣
冕少保兼太子太保戶部尚書武英殿大學
士毛紀太子太傅戶部尚書兼武英殿大學
士費宏為總裁掌詹事府事吏部尚書翰
林院學士石琚禮部尚書毛澄吏部左侍
郎羅欽順為副總裁詹事府翰林院等衙
門少詹事兼侍讀周詔侍講學士劉龍等
為纂修官所有合行事宜悉照例舉行欽
哉故諭

加尊 邵太后 興獻后稱號勅

嘉靖

元年正月二十二日

皇帝勅諭禮部朕欽奉

聖母慈壽皇太后懿旨尊

本生父爲興獻帝

本生母爲興獻后

憲廟貴妃邵氏皇太后今特加上

皇太后尊號爲壽安皇太后

興獻后尊號爲

興國太后爾部其照前勅擇日具儀以聞故諭

上 昭聖 莊肅 壽安三后并 興獻

帝后尊號詔

嘉靖元年三月十五日

奉

天承運

皇帝詔曰自古帝王以孝治天下尊親之禮其來遠

矣仰惟

聖母慈壽皇太后敬相

皇考孝宗皇帝訓育

皇兄武宗皇帝含弘光大蔚有顯聞

皇兄奄棄臣民之日中外爰爰賴我

聖母上念

宗社大計擁翊冲人入繼

大統及剪除亮逆潛消禍變呼吸之際安定家邦
功德並隆揄揚莫既不舉尊崇之典曷伸孝敬之

誠

皇嫂皇后巽順含章安貞應地伉儷

宸極表正宮闈母儀有年名稱宜異重念

聖祖母貴妃聖善慈仁靜專明哲事我

憲祖贊理內庭燕喜祥澤隆佑啓

本生父興獻王聰明天授仁孝夙成河間好禮東平

樂善餘慶流行垂裕後人

本生母興獻王妃莊敬持身儉勤治內嫔德任姒遠
嗣徽音誕育眇躬丕承

前烈雖傳序之統義有所專而天性之恩自不容已
一奉

冊寶

聖母尊號曰

昭聖慈壽皇太后

皇嫂曰

莊肅皇后又奉

聖母懿旨上

聖祖母尊號曰

壽安皇太后

本生父母曰

興獻帝

興國太后大禮既舉洪恩誕敷所有合行事宜條列

于後

一宗室有年七十以上者各賜米十石絹十匹
凡一應禮儀有衰病不能自行者子爲代行
以示優老之意

一宗室爲庶人者各賜米八石絹八匹其子女
一人賜米五石布五匹年及婚配者所司具名
以聞照例選婚量助嫁娶之資俱令有司辦
給

一鳳陽高墻庶人還各查原犯情罪輕重來聞
一軍民之家有年七十以上者許一丁侍養免
其雜泛差役八十以上者仍給與絹一匹綿
一斤米一石肉十斤九十以上者倍之其男
子八十以上有爲鄉里所敬服者加以冠帶
以榮其身

一軍民之家有五世同居共爨不分異者有司
具實奏聞照例旌表詔書到日先給羊酒獎
勸

一孝子順孫義夫節婦有司具實奏聞照例旌
表其已旌表年及六十者男子冠帶榮身婦
人照八十以上例給賜綃綿米肉

一各處帝王陵寢名臣賢士墳墓有被人毀發
者所在官司即時修理如舊令附近民人一
丁看護免其雜泛差役其餘墳墓但有露棺
暴骨者悉與掩埋

一近年各處盜起有貞烈女婦被賊殘害志節不屈行跡顯著者撫按官查勘是實明白具奏俱與旌表門閭

一各處用兵地方軍民職官有沒于戰陣者撫巡官查勘明白具奏定奪軍民死於鋒鏑及凍餒死亡無人收埋者所在官司俱與掩埋母致暴露

一弘治十八年以後內外大小官員死忠者及正德十四年文武官員人等因諫止巡遊已經各衙門奏請追贈廕敘者其父母妻室不

狗存歿俱得受封贈親老寡妻無人侍養者
有司量加優恤

一文職致仕一品未受恩典者有司月給食米
二石歲撥人夫二名應用二品以上年及八
十者備綵幣羊酒問勞九十以上者具實奏
吏小遣使存問五品以上以禮致仕年七十以
上者進散官一階其中廉貧不能自存衆所
共知者每歲仍給米四石以資養贍不許徇
情濫給

一工部京文職官員未及三年考滿者俱與應得

一 誥勅若父母見存先已受封其子官職遷轉
有服色許與子同後不為例其曾經奏准給
與誥勅未曾關領因事降調非貪淫酷刑者
給與原給誥勅

一 武職應得誥勅已經請給年遠未曾撰黃者
謄黃官上緊查撰兵部奏請關軸書寫給散
一 各王府官有年老願致仕者進散官一級其
歷俸三年以上父母見存該受封者給與誥
勅封之後不為例

一 軍官老疾不能任事告替職者准令覓男赴

如欲發職免其自來

一弘治十八年以前軍職有紀功核實曾經查
某者其部還查奏定奪

一軍職先年降調兩廣等處病故者子孫爲因
敗遠不能承襲許令原衛承襲帶俸差操
一軍年及五十歲侍衛二十年以內者不納
一役退閒俱與冠帶以榮終身

一市人部給由等項聽選官取選未至願告致仕
者俱陞職一級致仕監生不願出仕者已有
此職事例今後還填註衙門給與散官吏員

一詔書內各項恩典軍衛有司務在着實舉行
不許虛應故事

於戲愛由親始廣孝必因乎心思以序推爲治可
運於掌詔告天下咸使聞知

修竊戴勅

勅入兵二部朕入繼大統賴爾内外文武勲戚大臣
定策并迎立各宣忠悃保安

社稷今

山陵及

徽稱大禮事畢宜加殊恩以答元功大學士楊廷和

蔣冕毛紀首先定笄年義大節功尤顯著伊
進封伯爵給與誥券子孫世世襲食祿一千石
餘官如故俱仍在內閣辦事大學士費宏廕
他一子錦衣衛指揮使世襲親捧信符迎立等
官駙馬都尉崔元進封侯爵給與誥券子孫
世世承襲食祿一千五百石皇親太傅壽寧伯
張鶴齡加太師祿米三百石禮部尚書毛澄加
太子太傅廕他一子為錦衣衛世襲指揮同知
太監張錦廕他弟姪一人為錦衣衛世襲指揮
僉事定國公徐文祚中途有疾先已賞了罷司

禮監各能同心贊襄大計太監扶安溫祥賴義
秦文張欽張淮各歲加祿米三十六石廕他第
姪一人為錦衣衛世襲指揮同知蕭敬歲加祿
米三十六石廕他第姪一人為錦衣衛世襲指揮
使黃偉鮑忠各歲加祿二十四石廕他第姪一人為
錦衣衛世襲指揮僉事從朕藩底效勞年久左
右朕躬各有功蹟張佐歲加祿米四十八石廕他
第姪一人為錦衣衛世襲指揮使一人為世襲正
千戶黃英歲加祿米三十六石廕他第姪一人為
錦衣衛世襲指揮同知一人世襲正千戶戴來壽

加祿米三十四石廕他第姪一人為錦衣衛
世襲指揮僉事一人為世襲百戶張忠歲加
祿米二十四石廕他第姪一人為錦衣衛世
襲指揮僉事刁永馬俊賈友陳宣國洪趙山
黃錦李清王玘孫端各廕他第姪一人為錦
衣衛世襲正千戶趙霖李堂李雲張陞蘇瑾
郭紳趙林張昺劉臣劉銳丁王劉榮各廕他
第姪一人為錦衣衛世襲百戶督兵迎駕道
路惠安治張偉歲加祿米三十石侍郎鄭宗
仁趙璜各陞俸一級當時在朝宗人府五府

六部都察院大理寺通政司等衙門掌印官
各賞紵絲二表裏銀二十兩科道官各賞紵
絲一表裏銀十兩皇親太保建昌侯張延齡
加太傅祿米一百石指揮邵嘉進封伯爵副
千戶邵輔陞指揮僉事百戶邵陞正千戶
指揮蔣輪進封伯爵蔣山蔣壽陞錦衣衛世
襲正千戶慶陽伯夏臣加散官一階舍人夏
勳陞錦衣衛世襲正千戶如勅奉行

南京災變修省勅

嘉靖元年六月無幾災

皇帝勅諭南京文武羣臣朕以眇躬嗣守

祖宗鴻業代

天理物負荷惟艱夙夜兢兢罔敢自逸黽勉踰歲治
效未臻災異迭見近者南京守臣奏報七月
二十五日猛風驟雨沙石飛揚江水湧溢
郊社
陵寢

宮闕城垣等處叻春闌檻多被損壞并各衙門樹株
拔倒數多大江船隻漂溺甚衆上新河等處
邊江軍民房屋被水衝塌者亦不計其數而
前此湖廣江西地方水患尤甚朕心祇懼冀

究其端意者政事乖違刑罰不中民困未甦
國事未定以致上干

天和昭示譴告朕方致齋積誠禱告于

天地

宗廟

社稷凡事關朕躬者痛自修省爾兩京文武羣臣宜
同加修省務在中法奉公勉修職業以圖消
復其被災軍民之家各遣官巡視量行賑卹
庶幾

大意可回用保我國家億萬年太平之祚欽哉

冊立中宮詔 嘉靖元年十月初一日

奉

天承運

皇帝詔曰君理外治后理內治天下之大義也自古
聖帝明王彝章具載朕繼承大統夙夜孜孜
敷求賢哲并圖治理近者

聖母昭聖慈壽皇太后念內治之重特諭所司簡求
令淑作配朕躬朕勉導

慈命乃敢昭告

天地

宗廟於嘉靖元年九月二十八日冊立陳氏爲皇后
正位中宮以供承宗祀奉養

四宮用衍本支萬萬年之慶布告中外咸使聞知

災變存卹軍民勅

嘉靖二年三月三十日

皇帝勅諭中外文武羣臣朕嗣大歷服撫臨億兆仰惟
上天付托之重俯念小民屬望之切蚤夜孜孜圖新
治理未嘗敢懈頃因風雷水溢之變已嘗勅
諭中外臣工同加脩省

天未悔禍粵自去秋歷冬以至今春畿甸之內雨雪
愆期怪風屢作塵霾蔽天四方災異奏報頻

仍朕心其懼

上天示戒之故豈用舍有失其宜者歟刑政有垂
理者歟下情未能上通而恩澤未能下究歟
痛修省思以轉災為祥惟爾京及南北直隸
十三布政司文武羣臣皆為朕分理庶務有撫
安軍民之責宜各持廉秉公勉修職業副朕
憂勤惕勵之意惟吏治之得失實民生之休
戚所關各該有司多有貪酷害人怠惰廢事
者務須懲究罷黜使羣臣知所警懼不可徇
情曲庇惟斯民之貧富實邦本之安危所係

一應錢糧有奉詔蠲除遇災減免者務須查勘開豁使窮民得霑實惠不可虛應故事惟刑獄枉濫囚繫久淹以致民心愁怨上干

天和各處囚犯除屢審情真者法難宥免其情可矜疑事因註誤者在京遣司禮監南京守備太監各一員會同法司在外鎮巡會同三司從公辯問俱與從輕發落以後但有伸冤訴枉之人問刑衙門俱要上緊歸結不可任意監禁致令無辜死於桎梏惟盜賊所過兵革之家高井蕭條僵屍遍野尤可矜憐被劫者宜

加意存恤流移者招撫復業量免糧差死亡
者官與葬埋勿令暴露至於京軍之服役頻
繁邊軍之戰守芳苦天下各衛所軍士之月
糧久缺該管人員毋得仍加剝削以傷其心
朕深居九重重於民情政體豈能周知惟賴爾
等輸忠竭言同心匡輔凡利所當興弊所當
革者務臻實效毋事虛文庶幾可盡敬
天勤民之道以保治於無窮爾等其欽承之故諭

賑災初 嘉靖二年 月 日

皇帝勅諭天下文武衙門官以自古帝王臨御天下必以敬

天勤民爲首務我國家

列聖相承率由是道朕嗣守鴻業深惟

祖宗付託之重臣民屬望之深夙夜兢兢不遑寧處
自踐祚之後

上天垂戒災沴疊見今年七月內南京應天及淮揚
等府俱有大風雨之變

陵寢震驚江水湧溢漂流房屋不下數萬餘間沒溺
男婦無慮數萬餘人死者積屍暴露生者流
離轉徙而江西湖廣廣東廣西等處亦有非
常水患內自修省罔知所措意者敬

天勤民道有未盡永惟厥欲在予一人百姓何辜罹
此艱厄朕方齊心積誠祇告

天地

宗廟

社稷與爾内外文武羣臣同加修省以回

天意尤念四方之遠民瘼甚多比年以來兵荒相繼
征調不息加之法度廢弛賞罰不明軍民受
害財力兩殫寬詔徒頒奉行未至官府之催
徵不已倉廩則所在空虛朝廷德意顧爲姦
貪之騙局小民脂膏祇供典守之侵盜上官

以逢迎爲能賊吏以科罰相尚賢否舉劾多有不當刑獄輕重多有不平閭閻之間疾苦萬狀念之痛心言之感額今雖痛加釐革餘風或有未殄天地至和之氣寧不爲之感傷爾天下軍衛有司衙門官負職雖不同義均休戚宜各督所屬各慎所司盡革因循積習之弊益勵廉慎不渝之節各該撫按守巡等官俱要躬親巡歷宣諭朕意被災人戶加意賑恤死而暴露者官與瘞埋生而流徙者設法招徠一應歲額錢糧與凡歲派物料徵收

必以其時出納必稽其弊已起解者務濟公
家之實用應蠲免者務見詔旨之實惠獄訟
勿令久禁聽斷勿致偏枉勿過刻以害良善
勿太寬以長姦惡贖罪紙米勿令折價入已
往來迎送勿得阿意勞民先年用兵經過又
今次災傷地方但有死於非命者除屬壇廟
祭外各令所司另舉一祭祭文仍從該部降
去各該屬官中但有貪婪殘酷者具實奏黜
誠心愛民者雖雜流出身一體旌獎勿以奉
承之能否爲愛憎勿以一己之愛憎爲進退

凡百行事務要奉公守法期於消除民患培
養國脉以稱朕敬

天勤民之意以延

宗社億萬年無疆之休爾等其欽承之故諭

災變脩省勅

嘉靖三年二月二十五日

皇帝勅諭文武衙門官員近來江北江南并湖廣等
處水旱相仍地方饑饉人民相食所在盜賊
成群應天鳳陽并河南山東陝西等處元旦
同時地震方雷電交作山崩地陷災變非
常近但京城風霾蔽天春深雨澤愆期

上天示戒朕心驚惕爾文武衙門官員各宜仰體朕懷同加脩省凡政務有未明刑賞有未當寬抑有未伸困窮有未恤與夫利所當興弊所當革俱安一一著實舉行事應奏請者其餘具以聞禮部仍行在外各處鎮巡及三司等官一體遵奉施行務期災沴消彌和氣感召以副朕軫念元元至意故諭

加上 昭聖皇太后尊號勅 嘉靖三年

三月初一日

皇帝勅諭禮部

聖母昭聖慈壽皇太后擁護朕躬繼承大統仰荷

慈訓恩德難名茲特加上

尊號為

昭聖康惠慈壽皇太后爾禮部其擇日遣官祭告

天地宗廟社稷恭上

冊寶仍行天下宗室及文武衙門知悉所有合行

禮儀開具以聞故諭

加尊興獻帝后稱號勅嘉靖三十五年

月初一日

皇帝勅諭禮部朕恭膺

天命入繼 太宗祇奉

祖考孝養 宮闈專意 正統罔敢違越頃歲仰承

聖母昭聖慈靈皇太后懿旨以所生至恩亦欲兼盡

尊朕

本生父爲 興獻帝

本生母爲 興國太后朕心猶未憮然特命文武群

臣集議皆謂宜加尊號以極尊崇今加稱

興獻皇帝爲

本生皇考恭穆獻皇帝

興國太后爲

本生母章聖皇太后爾禮部其擇日遣官祭告

天地 宗廟 社稷更上 冊寶仍通行天下宗室

及文武衙門知所有合行禮儀開具以聞故諭

加尊 昭聖皇太后并 興獻帝后稱號詔

嘉靖三年四月十九日

奉

天承運

皇帝詔曰朕恭膺

天命嗣承

皇兄武宗毅皇帝大統祇奉

宗祀惟我

皇考孝宗敬皇帝神謨聖政是繼是行夙夜孜孜圖
惟化理以治本於孝故雖天子必有
所尊仰惟

聖母昭聖慈壽皇太后擁翊之功至大莫罄名言
本生父母

興獻帝

興國太后鞠育之恩至深罔殫報稱

尊稱未極恒用慙然爰稽舊章祇告于

郊廟

社稷率文武羣臣恭奉

冊寶加上

聖母尊號曰

昭聖康惠慈壽皇太后

興獻帝尊號曰

本生皇考恭穆獻皇帝

興國太后尊號曰

本生聖母章聖皇太后義寧隆於

正統禮兼盡夫至情既舉緝儀肆彰大慶合行推恩

事宜條列于后

一宗室有年七十以上者各賜米十石絹十匹
凡一應禮儀有衰病不能自行者子爲代行
以示優老之意

一各處王府應行祿米有缺少者各該巡撫都
御史督率所屬查催完納

一各處郡王將軍府子女有應請名請封選婚
者本府即與保勘奏請承奉長史等官如有
刁蹬延捱致令子女年過二十以外有未成
婚者撫按官查舉治罪

一各處郡王將軍中尉有因事革減祿米者除

毆殺人命敗倫傷化外其餘自詔書到日為始俱照舊支給儀賓有因成婚年遠不曾赴京謝恩來奏者悉皆宥免

一軍民之家有年七十以上者許一丁侍養免其雜泛差役八十以上者仍給與絹一匹綿一斤米一石肉十斤九十以上者倍之其男子八十以上有為鄉里所敬服者加以冠帶以榮其身

一孝子順孫義夫節婦有司開具實跡奏聞以憑旌表不許里書人等指勒刁難致令轉展

無由上達若守節年久果有貞烈實跡例憑
旌表而身故者一體奏聞舉行其已旌表年
及六十者孝子冠帶榮身節婦照八十以上
例給賜綃綿米肉

一軍民之家有五世同居共爨不分異者有司
具實奏聞照例旌表詔書到日先給羊酒獎
勸

一兩京文武官員七品以上未關誥勅者若父
母見在先與誥勅封之不爲常例

一軍職先年降調兩廣等處病故者子孫爲因

路遠不能承襲許令原衛承襲帶俸差操

一內外官負有父母在家願分俸助養者准令分俸於原籍關支

一軍官老疾不能任事告替職者准令兒男赴部替職免其自來

一在京各衛帶俸官有願出外衛者許自陳照例注與相應地方衛所管事差操

一各處小民有因衣食不給流移他鄉者詔書到日各還本土有司務要加意撫恤俾遂生業仍免糧差一年違者許巡撫巡按官究治

一朝廷憫念小民凡事減省今後不差人出外
買辦採辦物件有司不許仍前指以均徭公
用爲名科歛銀兩及因小故罰取財物因而
尅落入已其司府州縣官員亦不許額外多
僉皂隸侵漁小民但有違者許巡撫巡按官
體訪叅奏以重罪

一各邊軍士比之腹裏勞苦尤甚爲鎮守總兵
等官者不肯撫恤反行尅害有財者占納月
錢有力者役使耕種其不役占者不免重差
軍士受害如此豈有銳氣禦寇今後該管內

外官員務要改過自新不許仍前後占

一監生有衰老不願出仕者但係聽選之數俱照例量授職銜吏員冠帶聽選願告不仕者照資格授與職銜其在原籍者許各赴司府衙門陳告類冊繳部一體給授

一各處軍民人等有因刁蹬害人曾經問發充軍爲民遇例放回者該管官司時加省諭務要改過自新若仍蹈前非起滅詞訟誣害良善挾制官府事發枷號三箇月仍照例問發邊遠充軍

一在外文職官員有親老告回侍養者親終之日仍許赴部聽用

一各王府官有年老願致仕者進散官一階其歷俸三年以上父母見存該受封者給與誥勅封之不爲例

一將軍年及五十歲侍衛二十年以上者不拘在役退閒俱與冠帶以榮其身

一在京在外文武官員有因事罰俸住俸者詔書到日照舊關支

一內外衛所軍士月糧多被該管官旗假以公

用爲名扣除尅減以致軍士不得全支及在外沿邊收糧官攢入等通同勢要親屬包攬挿和沙土糠粃虛出通關致令倉廩空虛所司風憲官訪察拏問追究治以重罪

一各處衛所官軍月糧有經年累月不得關支者撫按官督率司府等官量爲處給以甦民困

一內外衙門見問囚犯除死罪并已發落外其餘犯該徒流笞杖及枷號者詔書到日悉宥其罪官吏監生生員承差知印陰陽醫生校

尉行止有虧敗倫傷化例該充軍爲民等項
仍照例發落照提未到者公罪除提其餘仍
提問擬明白俱照前例發落奉旨勘問者奏
請定奪

一兩京法司及在外問刑衙門近年以來軍民
詞訟不行即時問理又聽犯人展轉攀扯以
致淹禁日久因而病死者徃徃有之冤抑不
伸致傷和氣今後務要上緊問結毋致枉濫
一各處有等主文書筭快手皂隸總甲門禁庫
子入等久戀衙門說事過錢把持官府起滅

詞訟灑派稅糧賣放強盜誣執平民陷害良
善者巡撫巡按布按二司官訪察拏問發邊
遠充軍

一天下祀典神祇所以保庇生民有司務在誠
敬奉祀壇廟損壞隨即脩理毋致褻瀆廢弛
一各處盜賊多因飢寒困苦流離失業脅從逼
迫嘯聚爲非詔書到日各該官司通行出榜
曉諭許其自首免罪軍還原伍民還原籍各
存恤一年免其差徭其夥內有能擒捕首惡
并黨類報官者一體照例陞賞仍量給犯人

財產

一 在京在外有孤老殘疾不能生業者即便收養濟院照例給與衣糧已收者人賜米三斗
一 詔書內各項恩恤事宜軍衛有司務在著實舉行不許虛應故事

於戲愛敬始於家邦致一人之達孝仁恩徧于海宇得萬國之歡心布告臣民俾咸知悉

改稱

宣聖皇太后為聖母詔

古加靖三

年十月十二日

皇帝勅諭禮部

本生聖母章聖皇太后更定

尊號曰

聖母章聖皇太后於七月十六日恭上

冊文遣官祭告

天地 宗廟

社稷合行禮儀便開具來看故諭

改定 孝宗 昭聖并 興獻帝后名稱

詔

嘉靖三年九月十五日

詔曰人君爲治必本於孝道聖人論政必先於
正名孝在篤於親而名貴循其實自古及今

未有外是而能化成天下者也朕本

憲宗純皇帝之孫

孝宗敬皇帝之姪

恭穆獻皇帝之子逮

皇兄武宗毅皇帝上賓之日仰遵

聖祖兄終弟及之訓屬以倫序當立

遺詔命朕嗣皇帝位

昭聖康惠慈壽皇太后乃以懿旨遣官迎朕入繼大

統朕受

天明命位于民民之上者于茲已三年矣尊稱大禮

屢命廷臣集議輒引漢定陶共皇宋漢安懿
王二事爲據至再至三而其論未定朕心靡
寧蓋伯姪父子乃天經地義豈人所能爲乎
况漢宋二帝在衣裳垂御之日嘗爲立子而
朕則宮車晏駕之後入奉

宗桃實與爲人後者不同今以爲繼嗣亦非我

聖祖垂訓初意是豈徒禮官之失而亦朕冲年未能
決擇之咎也

朕祇承

无廟尊養

三宮正統大義未嘗不聞惕然此心夙夜不忘惟
恭穆獻皇帝

章聖皇太后朕之父母也劬勞之恩昊天罔極雖位
號已隆而名稱未正因心之孝每用歉然謹
已告于

天地

宗廟

社稷稱

孝宗敬皇帝曰

皇伯考

昭聖皇太后曰

皇伯母

恭穆獻皇帝曰

皇考

章聖皇太后曰

聖母各正厥名揆之天叙人倫情既允稱而亦無
悖焉猶慮天下臣民未能知悉特慈詔諭以
伸朕拳拳孝親之誠夫孝立則篤近舉遠而
家邦四海咸囿於至仁名正則言順事成而
禮樂刑罰各臻于至理朕蓋庶幾於古帝王

之盛也顧惟昔者未遂於尊親事多拂於天性君臣之際未免少乖舉止之間或多違戾今彝倫攸叙大禮告成朕方欲同心以和典禮之衷敬事以建臣民之極爾內外諸司百僚務宜體朕之意有官守者脩其職有言責者盡其忠凡舊章未復弊政未除人才未用生民未安邊備未飾軍儲未充一切有裨於政理利於軍民者一一條具奏聞朕將舉而行之期於得萬國之歡心致天人之祐助以成至治以全大孝則朕之中心於是乎可慰

夫布告中外咸使聞知

皇明初
卷之十九